



09
1629

Broj: 05.10-04-31603-218/25
Sarajevo, 15.04.2026. godine

Skupština Kantona Sarajevo
n/r Predsjedavajući Skupštine Kantona Sarajevo

Predmet: Odgovor na zastupničku inicijativu Admele Hodžić (49) - dostavlja se
Veza: akt Skupštine Kantona Sarajevo broj: 01-04-31603-49/25 od 30.10.2025. godine

Poštovani,

Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo zaprimilo je vaš akt broj: 01-04-31603-49/25 od 30.10.2025. godine sa zastupničkom inicijativom, zastupnice u Skupštini Kantona Sarajevo, Admele Hodžić.

Uvažena zastupnica je, u skladu sa čl. 106. Poslovnika Skupštine Kantona Sarajevo ("Službene novine Kantona Sarajevo", broj: 41/12 - Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22 - Ispravka i 47/24) uputila zastupničku inicijativu koja glasi:

Na osnovu čl. 106. i 213. Poslovnika Skupštine Kantona Sarajevo („Službene novine Kantona Sarajevo”, broj: 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 17/22-Ispravka i 47/24) upućujem zastupničku inicijativu Vladi Kantona Sarajevo, Ministarstvu komunalne privrede, infrastrukture, prostornog uređenja, građenja i zaštite okoliša Kantona Sarajevo i BAGS Energotehnika d.d. Vogošća kojom tražim da se hitno odredi termin za održavanje Tematske sjednice na temu problematike isporuke toplotne energije građanima Vogošće kojima ovu uslugu vrši BAGS Energotehnika d.d. Vogošća i predlože i usvoje konkretne mjere u cilju obezbjeđenja stabilne, sigurne i kontinuirane isporuke toplotne energije građanima Vogošće.

Odgovor na inicijativu

Imajući u vidu da je, zahvaljujući provedenim aktivnostima Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo na rješavanju problematike proizvodnje i isporuke toplotne energije za potrebe korisnika usluge koju pruža društvo BAGS Energotehnika d.d. Vogošća, protekla sezona grijanja uspješno završena, kao i da aktivnosti na izgradnji nove kotlovnice za potrebe korisnika u Općini Vogošća teku bez zastoja, prema našem mišljenju, ne postoji potreba za održavanjem predložene Tematske sjednice Skupštine Kantona Sarajevo.

U vezi sa navedenim koristimo priliku da vas informišemo o konkretnim mjerama mjerama i aktivnostima Vlade Kantona Sarajevo i resornog Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo poduzetim u cilju obezbjeđenja kontinuirane isporuke toplotne energije korisnicima sistema daljinskog grijanja privrednog društva BAGS Energotehnika d.d. Vogošća odnosno građanima u objektima kolektivnog stanovanja, te javnim ustanovama u Općini Vogošća tokom sezone grijanja 2025/2026. godine.

Informacijom o spremnosti za sezonu grijanja 2025./2026. godine Uprava privrednog društva BAGS Energotehnika d.d. Vogošća je dana 17.09.2025. godine obavijestila Vladu Kantona Sarajevo i Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo da se spremnost sistema za proizvodnju i isporuku toplotne energije očekuje od 05.10.2025. godine, ali da zbog nedostatka finansijskih sredstava nije u mogućnosti iz sopstvenih sredstava u potpunosti finansirati nabavku energenta (ulje za loženje) za potrebe proizvodnje i isporuke toplotne energije u predstojećoj sezoni grijanja.

U cilju sprječavanja opasnosti od nastanka šteta po život, zdravlje i rad fizičkih i pravnih lica, odnosno sprječavanja nastanka značajne štete uzrokovane neisporukom toplotne energije od strane privrednog društva BAGS Energotehnika d.d. Vogošća stanovnicima i javnim ustanovama općine Vogošća, ovo ministarstvo je provelo aktivnosti na obezbjeđenju finansijskih sredstava za nabavku energenta za sezonu grijanja 2025/2026. godine iz Budžeta Kantona Sarajevo, te je kao podršku privrednom društvu BAGS Energotehnika d.d. Vogošća za nabavku energenta za proizvodnju toplotne energije za potrebe stanovnika i javnih ustanova u Vogošći iz sredstava budžeta Kantona Sarajevo obezbjedilo iznos od 1.700.000 KM za nabavku energenta u količini 1078 tona koje je preduzeće u svoje skladište zaprimilo u periodu od 10.10.2025. do 01.04.2026. godine.

Pored toga, ovo ministarstvo je u tekućoj sezoni grijanja, u periodu oktobar 2025. - 31.03.2026. godine obezbjedilo dodatna finansijska sredstva u ukupnom iznosu od 900.000 KM za izmirenje dospjelih obaveza privrednog društva BAGS Energotehnika d.d. Vogošća za energent utrošen u prethodnoj sezoni grijanja jer Uprava društva nije izmirila svoje obaveze prema ugovorima potpisanim sa dobavljačima, niti obavezu vraćanja pozajmica Direkciji za robne rezerve Kantona Sarajevo.

Kao što vam je poznato, privredno društvo BAGS Energotehnika d.d. Vogošća uslugu proizvodnje i isporuke toplotne energije pruža stanovništvu i javnim ustanovama odnosno korisnicima u urbanom dijelu Vogošće kao komunalnu uslugu odnosno djelatnost od javnog interesa za Kanton Sarajevo.

Osim toga, privredno društvo BAGS Energotehnika d.d. Vogošća uslugu proizvodnje i isporuke toplotne energije pruža i korisnicima u industrijskoj zoni Vogošća na osnovu komercijalnih ugovora po cijeni usluge koje formira slobodno, prema tržišnim uslovima, te je u skladu s tim energent za potrebe komercijalnih korisnika dužno finansirati iz sopstvenog prihoda ostvarenog po tom osnovu.

Prema, ovom ministarstvu, dostavljenim izvještajima o zaprimljenim količinama goriva, proizvodnji i isporuci toplotne energije Uprava BAGS Energotehnika u proteklom periodu trajanja sezone grijanja 2025/2026. godine nije dobavljala gorivo za potrebe komercijalnih korisnika u industrijskoj zonu Vogošća.

Uvidom u izvještaje dostavljene ovom ministarstvu za period od 10.10.2025. godine do 31.03.2026. godine utvrđeno je da je gorivo finansirano iz sredstava Budžeta Kantona Sarajevo po osnovu sporazuma o sufinansiranju sa privrednim društvom BAGS Energotehnika d.d. Vogošća, kao i gorivo isporučeno iz skladišta Direkcije za robne rezerve KS za potrebe proizvodnje i isporuke toplotne energije stanovnicima Vogošće i javnim ustanovama u Vogošći tokom protekle sezone grijanja nenamjenski korišteno i za potrebe pružanja usluge komercijalnim korisnicima u



industrijskoj zoni i to u količini od najmanje 243 tone odnosno 23% ukupne količine od 1078 tona goriva.

Utrošak energenta za potrebe komercijalnih korisnika potvrđen je u "Informaciji o provedenom inspekcijskom nadzoru", Budžetskog inspektorata Ministarstva finansija Kantona Sarajevo broj: 08-06-11-2086/26" od 20.02.2026.godine, zatim "Izveštajem Stručnog tijela Vlade Kantona Sarajevo o analizi rada sistema grijanja i utroška energenata BAGS Energotehnika d.d. Vogošća za sezonu 2025/2026." od 05.03.2026. godine i "Izveštajem komisije resornog ministarstva formirane po Zaključku Vlade Kantona Sarajevo od 15.01.2026. godine" od 06.03.2026. godine sa zadatkom praćenja realizacije pozajmice od Direkcije za robne rezerve Kantona Sarajevo.

Nenamjenski i neopravdan, utrošak goriva obezbjeđenog sredstvima Budžeta Kantona Sarajevo za potrebe građana i javnih ustanova u Vogošći, te propuštanje bivše Uprave društva da izvrši nabavku goriva za potrebe korisnika s kojim ima komercijalne ugovore je tokom protekle sezone grijanja u više navrata izazvalo pojavu kriznih situacija u vidu sniženja kvaliteta isporučene toplotne energije, kao i do potpunih prekida isporuke toplotne energije zbog nedostatka energenta zbog čega je ovo ministarstvo moralo dodatno reagovati obezbjeđenjem novih količina kako bi se spriječilo ugrožavanje zdravlja korisnika, zaštitio termotehnički sistem kojim upravlja BAGS Energotehnika d.d. Vogošća i osigurao kontinuitet pružanja usluge do kraja sezone grijanja, odnosno do 15.04. tekuće godine.

U vezi sa poduzimanjem mjera u cilju obezbjeđenja stabilne, sigurne i kontinuirane isporuke toplotne energije građanima Vogošće, Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo je još u aprilu 2025. godine na inicijativu ministra započelo sa hitnim aktivnostima na trajnom rješavanju proizvodnje i isporuke toplotne energije korisnicima sistema daljinskog grijanja u objektima kolektivnog stanovanja, javnim ustanovama i privrednim subjektima u Općini Vogošća, te se u saradnji sa KJKP "Sarajevogas" d.o.o. i KJKP "Toplane-Sarajevo" d.o.o. pristupilo izradi prijedloga tehničkog rješenja sistema daljinskog grijanja u Općini Vogošća.

Nakon provedenih pripremnih aktivnosti Vlada Kantona Sarajevo je na 81. sjednici od 26.06.2025. godine Zaključkom prihvatila Informaciju Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo o trenutnom stanju postojećeg sistema daljinskog grijanja i prijedlog tehničkog rješenja sistema daljinskog grijanja u Općini Vogošća iz dostavljene "Analize toplifikacionog sistema daljinskog grijanja Vogošće" sačinjene od strane KJKP „Toplane-Sarajevo" d.o.o. Sarajevo.

Prihvaćenim tehničkim rješenjem planirana je izgradnja nove kotlovnice, dijela distributivnog toplovoda i rekonstrukcija dijela postojećeg toplovoda, koji će ostati u upotrebi, osiguraće se pouzdano snabdijevanje toplotnom energijom sadašnjih, ali i budućih, korisnika u urbanom dijelu Općine Vogošća.

KJKP "Toplane-Sarajevo" d.o.o. Sarajevo kao budući operater novog sistema daljinskog grijanja za potrebe korisnika u Općini Vogošća zaduženo je za izradu investiciono - tehničke dokumentacije, ishodenje urbanističke saglasnosti i odobrenja za građenje kao i kandidovanje Projekta izgradnje sistema daljinskog grijanja Vogošće u Program javnih investicija Kantona Sarajevo.

U skladu sa Uredbom o načinu i kriterijima za pripremu, izradu i praćenje realizacije programa javnih investicija ispred KJKP "Toplane-Sarajevo" d.o.o. Sarajevo kadidovan je projektni prijedlog u Program javnih investicija Kantona Sarajevo koji će se realizirati u dvije faze: dio 1 - Izgradnja objekta kotlovnice na prirodni gas, i dio 2 - Izgradnja nove i rekonstrukcija postojeće distributivne mreže.



Projekt će se finansirati sa budžetske pozicije razdjela Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo - Izgradnja kotlovnice i rekonstrukcija toplovodne mreže u Vogošći.

Općina Vogošća, postupajući po zahtjevu KJKP "Toplane-Sarajevo" d.o.o Sarajevo, je 27.01.2026. godine izdala Rješenje kojim se izdaje Urbanistička saglasnost za izgradnju termoenergetskog postrojenja - kotlovnica na prirodni gas sa priključnim cjevovodom i podzemnim spremnicima za tečno gorivo u Vogošći naselje Uglješići.

Nakon izrade Glavnog projekta, dana 23.03.2026. godine, ispred KJKP "Toplane-Sarajevo" d.o.o. Sarajevo Općini Vogošća kao investitora, podnesen je zahtjev za izdavanje odobrenja za građenje po čijem ishodu slijede dalje aktivnosti na realizaciji projekta, odnosno provođenje postupaka javne nabavke radova na izgradnji objekta kotlovnice, i radova na izgradnji nove i rekonstrukciji postojeće distributivne mreže cjevovoda sa pratećom infrastrukturom, te početak radova.

S poštovanjem



Dostaviti:

1. Naslovu,
2. Stručnoj službi Vlade Kantona Sarajevo - na znanje,
3. Koordinatoru izrade odgovora na zastupnička pitanja / inicijative - na znanje,
4. Evidencija,
5. Arhiva.